

ARUBA ANSE COURANT

KOMMUNIKATIE INSTITUUT VOOR
TAAL, LAND EN VOLKSKUNDE
VAN CALESTRAAT 14
PO BOX 10000



Diario



pa Aruba



ANJA 22

DIABIERNE 14 DI OKTOBER 1960

Nr. 3863

Indonesia kier anexa Nueva Guinea Occidental cu medionan pacifico

KUALA LUMPUR, 13 oct.

E ministro indones di seguridad nacional, Nasution, kende ta bishita Malaca actualmente, na unda e kier observa entre otras e actividadnan comunista, a declara na su jega na Kuala Lumpur, cu Indonesia lo na praba e sugestionnan, pa anexa Nueva Guinea Occidental cerca Indonesia cu medionan pacifico. Nos ta kere, cu lo no ta dificil pa solucion e problema cu medionan militar, pero esey no ta manera di Indonesia.

El a contesta un pregunta di periodista, si Indonesia tin intencion di cuminsa ningun accion militar contra Nueva Guinea, bisando: "actualmente e linea di conducta di Indonesia ta, pa anexa Nueva Guinea Occidental cerca Indonesia cu medionan pacifico. Nos ta kere, cu lo no ta dificil pa solucion e problema cu medionan militar, pero esey no ta manera di Indonesia."

Nasution a repiti, cu lo e apaludi un oferta di prome ministro di Malaca, Tengku Abdul Rahman, pa interviene den e problema Nueva Guinea, y el a bisa cu Malaca lo por usa su influencia y duna informacion tocante e hecho, cu tin colonialismo na Nueva Guinea Occidental, door di cu e ta mantene bon relacion cu hopi otro pais.

Nasution a bisa cu Indonesia a trata repetidamente di hanja ayuda di Nacionnan Uni pa solucion e problema, pero sin resultado satisfactorio. El a bisa tambe cu actualmente Indonesia no tin intencion di trata di efectua, cu e asunto di Nueva Guinea lo worde bota riba agenda dje asamblea general.

FATUM — Tel.: 1845
Pa tur baseguranon

GRAN AUMENTO DI TRAFICO DI PASAHERO PA ARUBA

ORANJESTAD — Atror e cantidad di pasaheronan cu a baha na e aeropuerto Prinses Beatrix ta muestra un aumento considerable. Durante septem-ber dje anja aki tabatin 28 por ciento mas tantu bishita cu september di anja pasa.

E resumen ta sigui aki bou pa duna un idea mas cla:

ATERRIZAJE

September	1958	1959	1960
Comercial	215	228	254
Deporte	19	28	31
Gobernro	14	20	28
Total	248	271	313

PASAHEROS:

A jega	2492	2624	8342
Di transito	1556	2018	3029
A sali	2160	2670	3437
Total	6208	7312	9808



Ministro Dubuc poco despues di su yegada na e aeropuerto. Banda di dje ta premier Jonckheer su tras senior N. Piña L.

MIN. VENEZOLANO DUBUC A HIBA COMBERSION CU MIN. LUNS

ORANJESTAD — E Ministro di Relaciones Interiores di Venezuela, sr Luis Augusto Dubuc ayera tabatin un entrevista cu e ministro Hulandes di Asuntos Exteriores, mr. J.M.A.H. Luns. Na final no a worde duna ningun informacion di loke a ser papia.

Cu un avion di gobierno den cual a hiba tambe e senjora, mama y jiu di ministro Dubuc y tambe un reportero di e diario "La Esfera", e mandatario Venezolano a jega pa l'or riba aeropuerto Prinses Beatrix. El a worde ricibi pa premier E. Jonckheer, gezaghebber Beaufort, embahador dr. H. N. Boon, consul Venezolano dr. B. Perez.

EVENTONAN VENIDERO DI DI TIVOLI

ORANJESTAD — Aruba Tivoli Club ya a traha plannan pa su eventonan venidero. Tin riba programa pa diasabra dia 29 di october un territ organisa pa e entertainment committee di e club.

Cada miembro lo por introduci un cantidad limita di introducidos pa e territ, cu na su final lo worde sigi pa un baile cu un di e mihor conjuntionan local. For di awor cabu por ser mencion e cu e premian lo ta masba atractivo.

San Nicolas y Pascu

Nan a cuminsa pensa caba riba San Nicolas y Pascu. Dia 4 di december (diadomingo) nan ta spera e Santo cu barba blanco den club pa parti atardi.

E fiestanan pa fin di anja lo worde babri dia 17 di december cu e tradicional "Tivoli Christmas Dinner".

y sr. N. Piña L. Directamente despues di jega e compania a bai pa Aruba Caribbean Hotel na unda a tuma lugar e entrevista cu ministro Luns. Informacion tocante loke a worde papia nos no por a hanja te cu ayera tardi, laat.

Pa mas o menos dos'or di atardi ministro Dubuc a viaba cu resto di su compania den e mesun aeroplano pa Coro. Rato prome cu e partida premier Jonckheer a entreege e dos bukinan di foto di Aruba y Corsow cu recientemente a worde publica.

Medidanan luma pa Nacionnan Uni na Leopoldstad

LEOPOLDSTAD, 13 october. — E comisario haltu congoles di informacion, Albert Bolela, a declara, ayera na Leopoldstad, cu Nacionnan Uni no ta permiti di larga transmiti su programanan via Radio Leopoldstad, mas.

Nacionnan Uni tahala larga transmiti noticia y programan recreativo durante 90 minuut tur dia, pa su militanan na Congo.

Republica Mali a reconoce China Comunista

BAMAKO, 13 october. — E republica Mali a reconoce China Comunista y el a dicidi di jama bek su representacion na Sur Vietnam.

Abdoulaye Maiga, ministro plenipotenciario di Mali na Paris, a worde nombra representante permanente di Mali cerca Nacionnan Uni y tambe embahador di Mali na Merca.

Barbecue na Basi Ruti

ORANJESTAD — Ministro J. Luns y e embahadornan a hanja diarazon anochi suficiente oportunidad pa papia den un atmosfera placentera cu varios representantenan di pueblo durante e barbecueparty cu gobierno di e isla a ofrece na Basi Ruti.

Riba e foto nos ta mira ministro Luns cu sr. E. R. Finck, miembro di Staten y Eilandsraad, den combersion.



Na e ultimo Asamblea General di Nacionnan Uni na New York por lo menos tin un record, cu ta e topamento di personanan cu otro, manera (di robes) President Eisenhower cu e Premier di Canada, Ministro John Diefenbaker; Nikita Krushchev cu e promer ministro di Inglaterra Harold Macmillan (na robes) y e president di

Yugoslavia President Marshal Tito, y tambe president Kwame Nkrumah di Ghana cu Nehru, cual ultimo aparentemente ta esun cu tabatin mas encuentro cu tur e otro figuranan mundial.

Krushchev a discuti independencia pa tur pueblo coloniza

NEW YORK, 13 oct. E debate tocante politiek internacional, cu a tuma lugar ayera den Nacionnan Uni, a concentra riba un proposicion di Rusia, pa asamblea general discuti e declaracion di Krushchev pa duna tur pueblo coloniza independencia, den su reunion plenario y no den e comision politico. Krushchev a bisa entre otros den su discurso, cu e pueblonan dje paisnan coloniza no tin ningun otro recurso, sino pa usa nan armanan, esta si Nacionnan Uni no acepta proposicion pa elimina e regimennan colonial.

El a bisa cu mester kita e mascara di e colonialistanan, y muestra e cara berdadero di esnan cu a trece maleza, hamber y morto pa e pueblonan cu ta biba den esclavitud. Rusia ta para na banda di esnan cu ta lucha pa nan liberacion for di colonialismo. Si no tuma medidanan urgente, colonialismo lo por causa hopi mas sufrimentu, morto di millonan di hende y lo e por causa conflictionan arma y guerranan, locual ta pone paz na algun lugar y den enter mundo tambe, na peliger. Larga tur colonia bira independiente, larga tur pueblo bira liber, asina Krushchev a grita.

E delegado filipino Sumulong a declara cu e independencia, cu Krushchev ta exigi pa "pueblonan colonial", mester ta di vigor tambe pa e paisnan europeo cu Rusia ta domina.

Krushchev a rabia ora cu Sumulong a bisa asina y el a cuminsa bati riba lessenaar cu su sapato den su rabia.

E representante di Rumania a protesta entre tanto cu presidente Boland cerca e declaracionnan di Sumulong, bisando cu nan ta un insulto dje miembronan di Nacionnan Uni.

Boland a pidi Sumulong sin embargo, pa sigui papia.

E ora ey Krushchev a lanta para y a bati riba su lessenaar atrobe. Boland a l'or e bai papia.

Krushchev a declara e ora ey: "Mi ta protesta contra e trato inigual dje delegadonan dje paisnan representa aki."

Nos no ta hiba na mundo segun gracia di Dios of di bo, senior Boland, pero segun forza di pueblo ruso. Lo bo no por stop e voz di berdad, cu ta zona duro y incansante y lo bo no por stop e palahanan "larga nos dera colonialismo y mas liber cu nos haci", mas mehor lo ta."

E delegado di Rumania a keda interrumpi e delegado filipino, mientras cu e tabata papia. Presidente Boland a pidi e varios biaha pa keda ketu. Boland a keda bati su martillo riba su mesa te cu e martillo a k'ira. E rumanan a grita: "Bo por defende e colonialistanan, pero con ta bai cu libertad di pueblo di Irlanda? Mi ta spera cu nan ta mas liber cu e rumanesnan". E ora ey Boland a suspende

Pacto Atlantico un flota di submarino, equipa cu rocketnan Polaris. E tripulacion lo mester ta internacional. E exercicio di Pacto Atlantico lo mester worde aumenta, tambe y educa pa bringamento dea un guerra limita. E taticiek actual, cu agresion di Rusia mester worde contesta na cualkier manera cu arma atomico, mester worde cambia, asina e rapport ta bisa segun "New York Times".

Nikita Krushchev a afirma awe cu lo e bai Rusia bek awe noch, despues cu e tene un ultimo discurso den Asamblea General di Nacionnan Uni. E lider ruso a haci e declaracion aki e mes, para den balcon dje residencia dje delegacion ruso na New York.

Prome ministro Nehru di India a declara den un entrevista na television na New York prome cu el a bai India, cu e proposicionnan di Eisenhower, pa un sistema di inspeccion aereo, no ta un plan di desarme. E proposicionnan di presidente Eisenhower lo por ta util, pero nan no ta suficiente pa pone un fin na e carrera di armamentu asina Nehru a declara.

Ajera un bom a explota dea un automaat na un stacion di ferrocarril subterraneo di New York, den vecindario di Times Square, 27 hende a hanja herida, uno di nan ta grave.

Esaki ta e tercer biaha den algun siman, cu tabatin un explosion na New York.

Poliznan a arresta dos hoben cu conexcion cu e explosion di bom.

Asamblea General di Nacionnan Uni a consenti awe segun aclamacion, pa discuti e declaracion di Krushchev pa duna tur pais y pueblo na independencia, den Asamblea General, sin discuti e prome den e comision politico.

Incidentenan serio na Sur-Rhodesia

LONDEN, 13 october. — Informacion ricibi ayera noch na e cuartel general di partido democratico nacional di Sur Rhodesia na London, ta bisa cu como 40 hende di color a muri y como 100 a hanja herida, durante e ultimo incidentenan na Gwelo, Sur Rhodesia.

Loodshoot number cuater riba dok. Claramente por mira na unda olanan a kibra e boto.



Ola grandi a kibra Loodshoot Nr. 4 riba rif

ORANJESTAD — Ayera tardi pa 3'or 15 e loodshoot "Aruba" a lastra e grua di Amsterdams Ballast Mij. cu loodshoot No. 4 aborda trece Haven- en Loodsdienst despues cu diarazon mainta pa m.o.m. 11'or olanan fuerte a dal e ultima loodshoot menciona y tirele cantra e rifnan banda di Barcadera.

Sla fuerte
Sigur ta prome biaha den su binticinco anja di servicio cu e loodshoot no. 4 a hanja un sla usina fuerte.

Diarazon mainta algun trabador di Haven- en Loodsdienst a subi e boto aki, cu e encargo pa los e boorponon di Amsterdams Ballast Mij, cu na e momento ey tabata haciendo horamentonan di prieta net enfrente di e planta bierw di awa na Balasbi, pa motibo cu nan tabata sperando lamar bruto. E boorponon tabata pega cu e rif parti pafor y e loodshoot a cuminsa cu e trabao di ranea e 6 anclanan cu tin e ponton wanta. Nan no a jega mucho leuw cu esun di prome. E loodshoot a pone tur forza pa ranea e prome ancla; cu tabata e ultimo tambe cu nan a logra haci. Na momento cu e ancla a laga bai a lanta tambe un ola grandi y fuerte cu a dal e loodshoot benta te riba rif. Aya el a sigi bati na su anto- ho den barica di e boto.

Hopi danjo
E danjo cu e boto a muestra despues

cu "Aruba" a lastra e grua di Amsterdams Ballast Mij, cu a libra e boto for di su posicion dificil y ponele riba dek dek den e werkplaats di Haven- en Loodsdienst tabata muestra claramente e zota fuerte cu el a banja di e olanan. Piedranan grandi tabata pega ainda den estia di e boto. Buraconan na grandura di wiel di auto so por a mira na cada banda. E motor cu tabata claramente visible door di buraconan tambe a worde azota pa e awa salu.

Tabata dificil pa sr. J. Berkhout, havenmeester interino, bisa e danjo cu a worde sufi, ya cu esaki por worde calcula te ora cu e boto ta reconstrui atrobe. Talvez lo no ta vale la pena baci e ultimo aki mirando e edad di boto (mas o menos 25 anja). Pero sr. Berkhout, cu ya a jega di mira boto mas kibra cu esaki worde drecha, tog ta hanja cu la aconchabel pone man na obra riba e no. 4. Mester pensa djes un rato cu un solo di e botonan aki ya ta costa e balente suma di alrededor fl. 45.000,—.

SOFTBALL

MENS LEAGUE

SOFTBALL

ARUBA SOFTBALL BOND

ta presenta den

WILHELMINA STADION

Awenochi, 14 di oktober pa 7.30 p.m.

BESTUURSKANTOOR vs. COMP. CLIPPERS

Awenochi, 14 di oktober pa 9.00 p.m.

PASTORA vs. DAKOTA BRAVES

Entrada: f0.50 hende grandi - f0.25 mucha

From the most exciting selection of cosmetics... quality since 1886



AVON
Deep clean
CLEANSING CREAM

Gently, quickly the fine oils and moisturizing ingredients reach every pore and leave the skin smooth, clean and refreshed.

AVON
cosmetics
LONDON NEW YORK

World's largest cosmetic manufacturers
BETTER SHOPS SELL AVON—THE FINEST COSMETICS

Agente:
BAARDSE TRADING CO. (Aruba) N.Y.
Tel. 1617 — 2077.



CONFRONTACION NA FRONTERA. Despues dje confrontacion na frontera cerca di Vaals, Joop Z. ta bandona e wagon camina e confrontacion a tuma luga.

LODEWIJK PRINS miembro honorario di Schaakver. „Aruba“

ORANJESTAD — Directiva di Schaakvereniging „Aruba“ e siman aki a ricibi un carta di Lodewijk Prins, gracias na kende su bishita na Aruba den luna di maart p.p. a duna e club animacion nobo. Directiva pesey no a warda machu pa nombra sr. Prins como miembro honorario di Schaakvereniging „Aruba“.

E contesta for di Hulanda tabata gratitud pa e honor y pa Lodewijk Prins ta agradabel cu atrobe nan tabata activo cu schaakmento na Aruba. Naturalmente e club ta spera di mira senior Prins pronto bek na Aruba y pa competi un blaha mas cu e schaakmeester Hulandes.

Te ainda e tension entre e propie dienan no a kita. De Boer cu ta na cabez falta un weg aindi. Si e gana esaki, anto unico amenaza aindi ta Dennert. Si esaki gana e partidonan

cu e falta. Croes sin embargo lo lucha duro contra Dennert. Si de Boer y Croes logra gana 18 di oktober, esaki ta nifica cu de Boer, ta e kampion personal Aruba 1960, y asina lo defende nos isla contra Corsow.

Con e resto di posicionnan riba lista lo bira ta dificil pa pronostica. Tin hopi cu tin chens pa e segundo puesto. Boot te ainda ta e ultimo. mientras cu durante e simultaanwedstrijd contra Lodewijk Prins, e tabata e unico cu a gana su partido. Aki nos

ta publica e lista di posicion di e otro timental. Apenas e competitie a start, pesey no tin muchu comentario ainda.

Prome Grupo:

	WH	WG	WT	WP	Pts.
De Boer	7	4	2	1	5
Dennert	7	4	1	1	4½
Croes	7	3	3	1	4½
Kroonenberg	6	2	3	1	3½
Jacobs	7	1	3	3	2½
Pandl	6	1	2	1	2½
Admiraal	7	1	2	4	2
De Vries	5	1	1	2	1½
Boot	6	0	1	3	½

Segundo Grupo:

Bongers	3	3	0	0	3
Lichtenstein	3	2	0	0	2½
Bosse	5	2	0	3	2
v. Nimwegen	2	1	0	0	1½
Hartman	2	1	0	1	1
Taal	3	1	0	2	1
Dr. Maine	1	0	0	1	0
Hintz	3	0	0	3	0

Tercer grupo:

Gruszecki	3	3	0	0	3
Berkhout	5	2	2	1	3
Broekhart	3	2	1	0	2½
Capel	3	1	1	1	1½
Pieters	3	1	1	1	1½
v. Woerkom	4	1	1	2	1½
Serphos	2	0	2	0	1
Croes	3	1	0	2	1
v.d. Logt	4	0	0	4	0

Cuarta grupo:

Hickinson	5	5	0	0	5
Baan	4	3	0	1	3
Henriquez	4	3	0	1	3
Stracke	4	3	0	1	3
Oostveen	4	2	0	2	2
Leenheer	3	1	0	2	1
Meijs	3	1	0	2	1
Schult	4	1	0	3	1
Luyben	3	0	0	3	0
Lopez Henriquez	4	0	0	4	0

Cinco Grupo:

ten Have	3	3	0	0	3
Jackson	4	3	0	1	3
Hogerboord	4	2	0	2	2
Marquez	1	1	0	0	1
v.d. Bosch	3	1	0	2	1
v. Nimwegen	3	1	0	2	1
Ferrol	2	0	0	2	0
Kalbo	2	0	0	2	0

ULTIMO NOTICIANAN

TOKIO. — Awe mainta estudiantenan Hapon a tene un demostracion na Tokio y awe tardi mas cu 30.000 estudiant y obrero Hapon a tene un demostracion mas, pa protesta contra asessorio dje lider socialista Asunuma y pa exige retiro inmediato di prime ministro Ikeda y di tur e polisnan cu mester mantene orden.

HAVANA. — 13 contra-revolucionario, entre cual e Mericano Anthony Salvati, a worde fusil y awe mainta na Santiago de Cuba y Santa Clara, asina e radio-emisora di gobierno Cubano a informa.

MANILA. — Casto Alejandro, un dje dirigentenan mas importante di partido comunista Filipino, pa kende su arresto e autoridadnan Filipino a priminti un premio di 25.000 dollar, a worde arresta ajera na Malabon (isla Luzon). E unico lider comunista Filipino cu ta liber ainda awor, ta Jesus Lava, secretario-general di e partido comunista Filipino.

TOKIO. — Awe congreso di ministronan di Hapon a acepta retiro di ministro Iwao Yamaguchi, presidente dje comision pa seguridad publico. Lo e worde sucede pa Hideo Sudo. Prome ministro Ikeda a pidi tur Haponen pa colabore den e „campaña contra violencia y terrorismo“.

MANILA. — Un ciclon, jama Lola, a pasa over di Manila awe. E prome noticianan ricibi ta informa cu como 25 hende a muri na Manila. 3/4 Parti dje capital Filipino ta bao di awa. E storm, cu tabata tin velocidadnan di biento di 130 km. pa hora, ta bai parti central di Luzon awor. E ta e segundo tifon cu a pasa over dje islanan Filipino, den un siman.

DEN HAAG. — Por spera nombra pronto di mr. S. Baron van Hertenstra como embahador di Hulanda na Bogota.

BONN. — Portavosnan na Alemania occidental a inform acu gobiernu di Alemania occidental a pidi e oficina federal pa derechonan di patente pa haci e proceso ultra-centrifugo pa produci material integrable, secreta di estado. Gobiernu Mericano a pidi pa haci esey, pasobra e tin miedu cu otro paisnan cu por paz, por banja sabi e secreto.

Observadornan ta di opinion cu President Eisenhower su diploma a sufrí danjo pa via dje ataque-ment riguroso di Krushev den Nacionnan Uni. Nos ta mira Eisenhower (izquierda) ta combersa cu president Nas. ser riba algu masha urgente, mientras na derecha, Eisenhower a haci su met un ratu liber pa e discuti cu gobernador Rockefeller di New York; den su discusion Eisenhower a siguro cu e crisis di Nacionnan Uni lo yuda Nixon den su campanja.

Pecadornan dilanti huez

(Di nos Corresponden na Corsow)
Dos anja pa hacedo di bruha
Oficial di husticia a sentencia H.N. L. hacedor di Bruha pa 4 anja di castigo quitando voorarrest.
Acusado su abogado mr. Van der Voort a suplica vrispraak y retiro di tur persecucion. Diarazon mainta a saca sentencia y esaki a rescata 2 anja di prison quitando voorarrest.

Siete anja pa golpe mortal riba terreno di CPIM
E caso di A.M.M. cu tabata acusa di a causa golpe mortal na su colega E.J.L. tambe a ser trata.
E drama aqul a tuma luga den den oranan di marduga di dia 3 di augustus. Foi defensora propio A.M.M. lo a hinka su adversario mortalmente cu un cuchiu.

Oficial di husticia a exige 8 anja di prison quitando voorarrest. E defensor mr. O. Burghardt a mustra cu tabata defensora legitima y cu hecho di acusado no tabata castigable y a suplica retiro di tur persecucion. E suplica dje abogado pa duna e acusado su libertad instantaneamente a ser rechaza pa e huez.

Diarazon mainta tabatin sentencia final. E vonnis a resonar: siete anja pa golpe mortal, quitando voorarrest y trahando trabadonnan publico.

Segun cu nos ta informa, A.M.M. a apela contra e sentencia aqul.

Golpe mortal den Campo suspendi

E tratamiento dje caso di W.D.H. cu tabatin di duna cuenta dje golpe mortal den Campo contra e portugues A. de P. riba dia 28 di augustus, quende e a dal cu un klop riba cabez a queda suspendi te dia 2 di november.

Y cu esaki e caso cu ta relaciona na dje di e portugues J.G.A. cu a podera dje carter di A. de P. a queda suspendi te ia 26 di oktober.

Un caso di injeccion

Diarazon mainta a tuma luga e tratamiento dje caso di T. de P.C.C. cu a ser asiti pa mr. G. de P. Parce cu el a pasa e muer G. de P. C.G.P. den esaki su cas injeccionnan di higra huntu cu un C.I.C.Y. cu a ser acusa pa abortus riba e muer.

G. de P. cu a ser interroga como testigu a bisa, cu un tal Rita a neli su ayudo na G. cu tabata ciente. El a duna injeccion y pildoran. El a atende dos biha.

Largo rato e testigu a ser interroga. Huez a mustr e participacion contrario cu el a declara na poliz. G. a declara cu ta un biha e tabata injeccionnan di higra el a para riba n. trofo.

E caso aqul a ser manda back trobe pa recherecomissaris.

Anuncio di compania CREPS

PARIS. 13 oktober. — E compania CREPS (Compania pa Buscamento y Explotacion di Petroleo den Sahara) a anuncia, cu produccion comercial di petroleo a cuminsa na e veldnan di petroleo di Edjeleb-Zarzaitine, den parti sur di Sahara.

Acuerdo cultural entre Hapon i Brazil

TOKIO. 13 oktober. — Circulonnan cu tin contacto estrecho cu ministerio haponen di asuntonan exterior, a informa cu Hapon y Brazil lo firma un acuerdo cultural pronto.
E embahador brasileiro nobo na Hapon, De Moura, lo firma e pacto pa Brazil. E discusionnan tocan e pacto a dura 5 anja. E acuerdo ta prescribi cu Hapon y Brazil lo tene un „intercambio“ di estudiantenan y publicacionnan.

Conferencia Africano-Asiatico na Stalingrad

MOSCU. 13 oktober. — A cuminsa un conferencia africano-asiatico na Stalingrad na parti sureste di Rusia, cu ta worde atende pa representantenan dje republican central-asiatico cu ta pertenece na Rusia, y pa representantenan di varios provincia autonomo ruso, y Argelia, India, Republica Arabe Uni, China, Cameroun, Hapon y otro paisnan.
E punto mas importante riba agenda ta e pueblonan di Asia y Africa den e lucha contra colonialismo y imperialismo y vigilancia dje comision ruso pa solidaridad afro-asiatico.

Esei tabata mucho risca

Un orador a cuba di tene un conferencia den cual el a critica uso di alcohol. El a termina su conferencia cu siguiente ejemplo:
„Ma conoce un homber cu tabata bebe asina tantu, cu un dia ora cu e quier a bai supla un bela pago, e damnanan di alcohol cu a sali for su rosea a haci e bela cohe vlam y el a anima biba“.

Despues dje conferencia un homber a canna bai cerca e orador y a biso:

„Mi ta gradici bo, senior, na bo palabranan, pasobra b'a salba mi bida.“

„Anto no tin nada di gradici“, e orador a responde contentu. „B'a diechi qto di no bebe mas?“

„No, esi no. Pero nunca mas den mi bida lo mi supla un bela pago“.

Rumornan cu ta circula

LONDEN. 13 oktober. — Rumornan cu ta circula riba e mercado di suco di Londen, ta informa cu Cuba ta negocia actualmente cu Rusia, pa e trata di vende enter e cosecha di suco cubano di otro anja, cu lo ascende segun calculacionnan na 5 million toneladas, cu Rusia.

Aunke cu e noticia aki no a worde afirma, observadornan ta kere cu Rusia lo no por compra enter e cosecha di suco cubano, pasobra Rusia mes ta vende parti di su cosecha di suco den temunan normal. Ta mas probable cu Rusia lo refina e suco cubano y vendele atrobe riba mercado mundial.

Wega di football entre Hulanda i Mexico

DEN HAAG. 13 oktober. — No ta sigur cu e wega di futbol entre Hulanda y Mexico, cu mester a tuma luga na cumintamento di 1961, lo sigui. E bond mexicano a propone dia 3 di mei como fecha dje wega. Pero KNVB no por acepta e fecha ey, pasobra e onena hulandes lo hunga contra Hungria dia 30 di april na Rotterdam y dia 14 di mei e mester hunga contra Alemania Oriental. A wor KNVB a propone pa e encuentro tuma luga durante e ultimo siman na mei. Si Mexico no aproba e fecha ey, e wega lo no por tuma luga durante e temporada 1960-1961.

Declaracion di premier di Nigeria

LONDEN. 13 oktober. — Prome ministro Sir Abubakar Tafawa Balewa di e federacion di Nigeria, cu a bira independiente dia prome di oktober, a declara na Londen prome cu el a bai New York, cu Nigeria kier sigi un politiek independiente exterior, „cu no ta igual na politiek dje bloque neutralista“. E prome ministro Nigerian a bisa cu Nigeria ta un „trampa“. „Nos ta nenga di bira obieto di un negocio“, asina el a bisa.
E prome ministro a bisa cu lo e trata di evita establecimiento di base-nan pa armanan atomico na Africa.

MAS RESTRICCION DI EXPORTACION PA CUBA

WASHINGTON. 13 oct. — State Department a informa awe mainta, cu Merca tin intencion di proclama mas restriccio pa e exportacion for di Merca pa Cuba, dentro di algun dia.

Observadornan ta bisa cu lo worde prohibi pa exporta recambionan, destina pa e refinarianan di zeta dje companianan mericano cu gobiernu di Fidel Castro a confisca durante e ultimo lunanan aki, pa Cuba. Otro fuertenan ta bisa cu e medidanan restrictivo lo ta di vigor pa tur exportacion di productonan industrial of tur producto, cu excepcion di cuminda y productonan farmaceutico.

Manera ta conoci departamentu di comercio a cuminsa huta restriccio 6 siman pasa riba exportacion di jeepnan y camionnan Mericano pa Cuba y Santo Domingo.

Delegacion Rumania a sali pa Havana

BUKAREST. 13 oktober. — Un delegacion di Rumania a bai Havana awe for di Bukarest. E delegacion ta bao di direccion dje ministro di comercio di Rumania, Cogut Radulescu.

DETALLENAN DI ELEGANCIA DEN UN CAMISA FAMOSO

E COL TA TRAHA DI UN PIDA SOL CU NUNCA TA MACHICA!

E CAMISA EXTRAORDINARIA.

VAN HEUSEN

Century

Col potent di un pida sol, na estilo di gran moda

Puntanan di manga cambiabile pa usa sea cu boton o mancorria.

E prome bez cu bo usa un camisa VAN HEUSEN Century lo bo descubri cu e col di e camisa aki ta traha na perfeccion. Su construccion especial, di un pida sol, ta haci cu nunca e ta machica. Pone aki cerca cu e camisanan VAN HEUSEN tin mas estilo y distincion incluyendo detallenan fini, manera e puntanan di manga cu ta cambia pa usa sea cu boton normal o cu mancorria.

No laga di mira e camisanan CENTURY Vantage, un exclusividad di VAN HEUSEN na telanan di catuna „laba y usa“.

Seagram's V.O.

CANADIAN WHISKY

„Honoured the world over“

ARUBA TRADING COMPANY
Oranjestad - Aruba



Dennis, de schrik van de buurt!



„Ik ben een goede kapster, maar Dennis is een vreselijke klant. Hij kan niet stilzitten“.

„Mi ta un bon pelado, pero Dennis ta un cliente vervelu cu n' por sinta quetu“.

Bo jioe na Hulanda tin mester di placa

Tur ora bo mester manda placa pa panja, zapato, pa su gastonan, pa buki di estudio, pa cuminda y pa hopi otro cos.

Awor bo mester ta manda e placa tur luna, pero ta mucho mas facil si lo laga nos haci e pa bo.

Solamente UN biniha bo tin cu pidi nos y tur luna bo jioe ta banja su placa na cas via nos.

Ya hopi ta haciendo asina, pakiko no haci e abo tambe?

PASA CERCA NOS PA MAS INFORMACION.

Ook voor U: de HBU

HOLLANDSCHE BANK-UNIE N.V.
ORANJESTAD - SAN NICOLAS

ARUBA TRADING C

CISCO KID

1. „Bo ta quere cu Silvia ta Bella por juda nos? Nos lo hanja sa”. 2. „Cisco! Panchito! Masha tempo mi no mira boso! Sinta!” „Nos mester bay.” 3. „Mi ta canina busca un señorita.” „Pues ata mi aki!”



JUAN EL INTREPIDO

1. „Nan ta bibo. Yumi! E candela aki ta di awor... y e rastrona ney di hoef cu ta sali di e baranca.” 2. „Tin rastro di hende hunto cu esnan di e cabay.” „Lo cual quier meen cu Bongo ta bay na pia y Tavita riba cabay... nos por alcanza nan...” 3. „E conmiocion tabata fuerte... Tavita! Pober muchal Den qui lio mi a hinca bo!”



DICK TRACY

1. „Mi tabata trahando remedi ora cu mi a tende manera tiro. Na e momento ey mi a stop.” 2. „E ora mi a pensa mehor mi bay mira”, e bolicario ta bisa”. 3. „Si Lizz mes ora cu nos a mira e enkel tatua nos a pensa mehor nos jama Tracy, pasobra e caso di Hawaii aki ta net algo pè.” 4. „Senjora, bo ta tur bon?”



RIP KIRBY

1. „Warda un poco, Kirby, pasobra mi no ta sirbi pa captura ningun hende!” „Calma bo, Ferret! Solamente bo mester bisa un mentira chiquito!” 2. „Esey ta otro cos, pues mi ta especializa den esey.” 3. „Ta simpel... lo bo bisa Vie cu mi ta scondi den e mondi ey, pero en realidad lo mi ta den e matanan aki...”



EL PRECIO DEL TRIUNFO

1. „E mucha cu bo ta describi ta traha pa mi, ta Dan Johnson... pero bo ta jamé Chapek...” „Ta su nomber. Na unda mi por hanja?” 2. „Paquico bo ta busqué?” „Mi ta esaki!” 3. „Caramba! Mi a tende di e mucha aki... e hungador di futbol cu tur ta tras di dje!” „Bo ta bisa mi awor na unda mi por hanja?” 3. „Bon, pero nos mester corre!”



EL DIARIO DE UNA VIDA

1. „Francamente, mi no ta comprende bo. Mesora cu bo ta un angel bo ta manera un monstruo di 15 anja. Paquico?” „Mira pa bo hanja sa...” 2. „...y bisa mi por hanja?” 3. „Despues...” „Eva!”



PEPITA

1. „Lo mi cumpra un di e mascaranan ey pa diverti mi un poco na oficina.” 2. „Lorenzo, mi quier pa bo cuminsa traha riba e contratonan aki mesora.” 3. „Mi ta contento di mira bo asina lamia y alerta awe.” 4. „Mi mester demande p'esey!”



Den dramático final PIRATAS a gana Serie Mundial

Bill Mazeroski a conecta homerun di oro

(Di nos redactor deportivo)

Un final espectacular, dramático e Serie Mundial 1960 tabatin ayera tardi den Forbes Field na Pittsburgh. Pa di promer biaha despues di 25 anja atrabe e novena di Piratas di Pittsburgh a abtene e titula mundial di baseball profesional.

Y nan a haci esaki enfrentando un equipo cu ta mucho mas poderoso cu nan den e ofensivo! Pero e corahe y determinacion cu durante henter e temporada nan tabatin atrabe tabata e factor cu a pone nan gana e serie mundial.

Ajera e Serie Mundial a bai den su ultimo fase cu e equiponan empatá na tres victoria pa banda. Y teniendo na cuenta e blanqueo di 12-0 cu Piratas a sufrí anteyera, e fanaticonan di Pittsburgh no a yena Forbes Field cu tanto entusiasmo.

E managernan a designa Vernón Law, ganador di dos wega pa Piratas, y Bob Turley, cu a obtene e promer victoria pa Yankees. Contra di Turley e piratanan a anota dos carrera den e promer inning.

Despues di dos out den cierre di e promer inning, Bob Skinner ta ricibi base por bola siendo e promer homer cu ta embasa. Luego Rocky Nelson a conecta homerun den rightfield pa pone Piratas adianta 2-0.

Dos biaha mas nan ta cruza home den e segundo inning. Smokey Burgess a habri cu hit. Manager Casey Stengel ta dicidi di cambia su lanzador y ta manda e hoben Bill Stafford pa releva Turley. Don Hoak ta embasa na base por bola. Bill Mazeroski buscando un toque di sacrificio ta embasa na infield hit yendo e basenán. Nernon Law su roller pa pitcher ta resulta den doblé matanza na home y primera. Bill Virdon ta sisei cu batazo di hit den rightfield empuhandu Hoak y Mazeroski.

Roller den infield di Groat a cerra e inning.

Law ta logra colee cuatro cero sigi, pero den e inninonan su lanzamentonan a worde golpea honi fuerte.

Bill Skowron cu un homerun den e quinto inning ta percura pa e promer acerra yankee y pone e score 4 pa 1.

Yankees ta bai ariba

Den e sexto Yankees ta forma un rally di cuatro carrera cu a pone nan bai ariba. Bobby Richardson, kende den e partido aki a worde poni den e puesto di abridor na bate, ta habri cu linea di hit den center. Base por bola na Tony Kubek ta pone manager Murtaugh nerde confianza den Law y e ta dicidi di yama su relevo estelar Elroy Face. Promer bateador cu Face tin di enfrenta ta Roger Maris, cu ta sali pa promer out lantando un homblita na tercera. Mickey Mantle ta lisa hit den center empuhandu Richardson, mientras cu Kubek ta yega tercera.

Cu dos companjero na base, e tremendo Yogi Berra ta conecta un homerun den rightfield empuhando tres carrera y pone Yankees ariba pa promer biaha den e partido decisivo. E dos siguiente bateadorman Skowron y Blanchard pitcher Face ta logra domina na stop e rally.

Cu Bobby Shantz den box pa Yankees for di tercer inning y cu e ventaha aki tuma den e sexto inning tabata parce cu ya e serie tabata dicidi na favor di e yankeenan atrobe.

Y habriendo e octavo Yankees ta anota dos mas pa aumenta su ventaha te na 7-4. Despues di dos out, Berra ta canina pa primera. Skowron ta embasa pa infieldhit. Ta sigi Blanchard pitcher Face ta logra domina na stop e rally.

Yankees ta balbe empatá

E novena di New York no ta duna pa perdi y den e promer mitad di e noveno inning, nan ultimo chens, nan ta logra dos carrera pa empatá e partido.

Cu e score empatá nueve carrera pa banda, e Piratanan ta bai tuma

Tres raton a bai espacio bini bon

CABO CANAVERAL, 13 october. — E 3 ratonnan cu a worde lanza awe mainta na Cabo Canaveral, y cu a worde di vangu despues den nan cabina di espacio, ta na bida y den bon estado, asina forza aereo di Merca a informa. Nan a yega un altura di 1.200 kilometer.

Pittsburgh Pirates campeon di World Series

PITTSBURGH, 13 october. — New York Yankees a gana e di 6 wega di baseball den world series cu nada menos cu 12-0; asina ta cu awor tin 3 wega gana y Pittsburgh Pirates tambe. Awe e di 7 wega, local ta e wega decisivo tambe. Lo tuma luga, na Pittsburgh cu a ser gana pa Pittsburgh Pirates cu 10-9.

Palabranan expresa pa Coronel Mobutu

LEOPOLDSTAD, 13 october. — Coronel Mobutu, e „homer fuerte”

Petrona & Croes

Dakota - Tel. 1712-1639

SERVICIO RAPIDO

BON TRABAJO

Mineronan encerra den mina na Thurnscoe

LONDEN, 12 october. — E 7 mineronan, cu a keda encerra den un mina na Thurnscoe, norte di Inglaterra, despues cu el a basha den, a worde saca for dje mina ajera nochí, despues di 18 ora di esfuerzonan duro pa salha nan bida. 6 di nan tabata por camina. E otro mester a worde saca riba un brancard.

E proceso interesante di Turquía a cuminsa awe

ISTANBUL, 13 october. — E proceso contra e 500 liderna ndje prome republica turco, kendenan su puestonan a worde ocupa door dje regimen actual na Turkia, lo cuminsa majan mainta. E proceso lo tuma luga na e isla Yassada, den laman di Marmora, na unda e 500 liderna ta keda, desde cu nan a worde arresta.

Horoscoop

ARIESNAN 11 Maart — 21 April

Cuidao cu seducción y engañjo awe. Vale la pena di ta prudente, tanto na caso como p'abo.

TAURINAN 21 April — 21 Mei

Bo por ta den tension en relacion cu bo trabao. Bai cu calma y confia riba otro nan.

GERMINAN 22 Mei — 21 juni

Cuida bo trabao y no haci nada contra bo chef. Anochi sea prudente den trafico.

CANCERNAN 22 Juni — 23 Juli

No confia den cada rumor cu por intranquiliza bo. No quere den romance pa bo no sali ganja.

LEONAN 24 Juli — 23 Augustus

Tene cuenta cu desengañjonan of contrariedad awe. No fia placa awe. Pasa bo dia calmo.

VIRGONAN 24 Augustus — 23 September

Sea prudente den cumplimiento to cu debernan financiera. No fia placa ni na famia tampoco.

LIBRANAN 24 September — 23 October

Amiguan no ta confidente awe. Bo obheito por ta bon intencion, ma bo propio intuicion ta mehor.

SCORPIONAN 24 October — 22 November

Awe ta un dia riba cual bo mester ta particularmente prudente riba cada terreno.

SAGITARIUSNAN 23 November — 21 December

Domina bo mes pa bo no haci mucho mas gastu cu bo bogroting ta permiti bo.

CAPRICORNUSNAN 22 December — 20 Januari

Pone acento riba relacionnan personal foi cual bo por spera hopi satisfaccion.

ACUARIUSNAN 21 Januari — 19 Februari

Ser mas realistica cu optimistica den negoshi. Seguridad ta mehor cu tuma riesgo.

PISCES 20 Februari — 20 Maart

No larga bo nervionan domina bo ora cu tin tension. Bo ta sensible pa accidente nan.